

7.694 gose egun

Azaroaren 1ean hasi eta atzo amaitu zen gose greban guztira 302 preso hartu dute parte.


Batez beste 25 egun eman dituzte jan gabe, eta horren ondorioak larriak dira.

Zazpi hilabete eman dituzte euskal presoek gose greban. Ekimenean Euskal Preso Politikoen Kolektiboko 302 lagunek hartu dute parte, Euskal Herrian abian jarritako prozesua bultzatu eta euren eskubideak aldarrikatzeko. «Espetxe barnean, etsaiaren menpean, gose greba da eskuartearen dugun borrokamolde gogorrenetarikoa. Eta gogorrena geure buruarentzat, gose greba batek gorputzean uzten dituen aztarnak bizitza osorakoak baitira. Baina horixe zen gure konpromiso militantea, eta horri eutsi diogu», zioten atzo bertan presoek kaleratu agirian. Baieztape hori zazpi hilabete honetako datuekin egiaztatzen da.

Parte-hartzaile guztien artean 7.694 egun eman dituzte jan gabe. Hala, batez beste 25 egun eta erdi igaro dituzte gose greban. Honek erakusten du protestaren tamaina, izan ere, kolektiboko gehienek hartu dute parte, eta gainera, indarrak xahutu arte aritu dira. 17 preso 40 egunetik gora eman dituzte gose greban, eta beste 73 preso 30 egun baino gehiago.

Hasieran 20 preso hasi zuten greba, eta preso batek utzi ahala beste batek hartzen zuen lekukoa. Apirilaren amaieran eta maiatza hasieran, berriz, 187 preso hasi ziren gose greban, eta azken horietatik 98 atzo arte egon ziren greban.

Guztira 302 preso hartu dute parte protestaldian, baina aipatu behar hiru preso bi aldiz egin dutela gose greba. Iñaki Bilbao Goikoe-txea presoak otsailaren 1etik martxoaren 7ra 36 eguneko gose greba egin zuen, eta ondoren ospitalera eraman behar izan zuten takikardia zuelako eta azido urikoa oso altua zuelako. Baina, hala ere, maiatzaren 1ean gose grebari ekin zion berriro eta 18 egun egin zituen greban. Gorka Frailek ere 36 eguneko greba egin zuen otsailetik martxoaren 19ra bitarte, eta masa muskularraren %25 galdu ostean eta bi giltzurrunak gelditzeko arriskuan zela utzi zuen greba. Hala ere, aste honetan gose greba egi-



Josetxo Arizkuren, gose greban zegoela ospitalean ateratako argazkian.

Heriotzaren muga-mugaraino

EUSKAL Preso Politikoen Kolektiboak gose greba mugagabea hasi zuenean bakoitzak bere indarren arabera jardungo zuela azaldu zuen. Presoek hala jardun dute, eta gehientsuenek egoera nahiko txarrean utzi dute protesta. Muga-mugako egoera horren isla dira Daniel Dergi eta Josetxo Arizkuren kasuak. Lehenak 63 egun eman zituen jan gabe eta bigarrenak, berriz, 56. Egoera benetan oso larrian utzi zuten gose greba ospitalean, eta euren onera itzultzeko oraindik ere arazo larriak dituzte. Arizkurenez, esaterako, bi hortz galdu ditu, bista asko galdu du eta abar.

Beste hainbat preso ere arazo larriak izan dituzte. Sotero Etxandi 25 kilo galdu ostean eraman zuten ospitalera, tentsio oso baxua baitzuen eta bihotzekoa izateko arrisku bizian zen. Masa muskular asko galdu dute presoek, eta berriro berreskuratzeko ere arazoak dituzte. Hori da, esaterako, Mikel Zubimendiren kasua.

tea erabaki du, beste presoekin bat eginez. Gauza bera egin du Angel Figueroak, iazko azaroaren 1etik aurrera 33 eguneko greba egin zuen arren.

Presoen gose grebak euren eskubideak errespetatuak izatea izan du helburutzat, baina greba bera izan da, baita ere, eskubide bortxaketa

horren isla. Esaterako, Aritz Arnaiz presoak ospitalean utzi zuen greba 45. egunean, eta ospitalera eraman zutenean guardia zibilek bi orduz eduki zuten furgonetan, eskuburdinen bidez lotuta, eta zero azpitik lau graduko tenperaturak jasan behar izan zituen.

Halaber, hainbat preso

Hezurra eta azala besterik ez zirela ere preso asko geratu dira. Patxi Gil presoak 40 kilo baino ez zituen pisatzen greba utzi zuenean, eta Gotzone Lopez de Luzuriagak, berriz, 38 kilo baino ez.

Bestelako arazo ugari izan dira, eta hona batzuk adibide gisa. Alfonso Castro presoak egun batean zorabioak izan zituen eta bista galdu zuen, eta hurrengoan, gose grebaren 20. egunean, paralisia izan zuen eta ezin mugitu eta ezin hitz egin geratu zen. Ondorioz, zainketa berezien unitatera eraman zuten. Fernando del Olmo seigarren egunean odola botatzen hasi zen, eta bi orduz medikuaren zain egon ondoren jakin zuen urdailean ultzera bat zuela. Joserra Martinezek 13 egun ondoren giltzurrunetan oinaze ikaragarria izan zuen, eta analisisen ostean, sedimentuak zituela azaldu zioten. Koro Egibar deshidratazioa, tentsio desorekatua eta bihotz gainkarga zuela eraman zuten ospitalera grebaren 12. egunean.

espetxez aldatu dituzte gose greban zirela edo gose greba amaitu eta berehala.

Bestetik, aipatzekoa da gose greba egin duten presoetatik 56k zigorraren hiru laurdenak beteak dituztela eta beraz, kalean beharko luketela egon. Zazpi hilabeteotan preso horietatik zazpi atera dira kalera eta horieta-



Euskal presoek eskaerak

1. Lehenik eta behin, euskal preso guztiak kalean izatea, euskal nazio eraikuntzan euskal gizarte osoarekin batera parte hartu ahal izateko eskubide osoa dugulako.

2. Bien bitartean gure giza eskubideak errespetatuak izan daitezten.

– Sakabanaketa amai dadila eta Euskal Herriko kartzeletara eraman gaitzatela.

– Gure militantzia politikoak eskatzen duen heineko tratua eman diezagutela, preso politikoen estatusa aplikatuz.

– Kartzelak edota bestelako arrazoiek eraginda gaixorik dauden burkideak kaleratuak izan daitezela.

– Baldintzapeko askatasunaren epeak beteta dituzten burkideak kalera izan daitezela

– Entrega edo estradizioen amaitzea eta Euskal Herrian libre bizitzeko eskubidea bermatzea.

tik sei Euskal Herriko espetxeetan zeuden.

Presoek gose greba amaitutzat eman dute, baina lekukoa gizarteari eman diote. Gainera, gizartearekin batera borrokan jarraitzeko asmoa azaldu dute.